

Lungzcungh Ciuhgeq: Giz Cuhgoz Lieng Seiz Coz Youq Gvaq

诸葛亮青年时代隐居的地方——古隆中

□ 东基 ingj/sij Sinhyungz hoiz



▲ Diuzgai soh youh gvangq, seialenra raen ranzha.



▲ Siengqnaez guh lumj caen, vunz raen cungj haenhdanq.



▲ Aen dingz hen z ranzhaz, ra raen Cuhgoz Lieng.



▲ Cuhgoz Lieng naenghyung, sim siengj dingh aenbiengz.



▲ Baizfangh Lungzcungh maenh, yawjraen hoenz yinghyungz.

► Aen' gyong daengj gyangdaiz, vunzlai haeujbae roq.

Lungzcungh ciuhgeq youq gvaengz Byasihsanh baihsae Sienghyangz Huzbwz Swngj, Sam-guek seizgeiz boux cwngci'gyah, ginhsw'gyah okmingz Cuhgoz Lieng mwh seiz coz (17-27 bi) youq gvaq. Gwnz lizsij gienh saeh Liuz Bei sam lieb ranzhaz okmingz neix caeuq maeuzveh hoenghuengh Ciuhhan "Fapdoi Lungzcungh" couh dwg youq gizneix fatseng. 1994 nienz ginggvaq Gozvuyen saemjdingh lied guh guekgya AAAA gaep funghgingjih, 1996 nienz ndaej Gozvuyen lied guh daengx guek cungdenj vwnzvuz baujhu danhvei.

Cuhgoz Lieng seizhaenx youq Lungzcungh doegsaw guhhong nanz baenz 10 bi seizgan. Cuhgoz Lieng bonjlaiz dwg vunz Sanhdungh Langzyaz, lij iq bohmeu couh gvaqseiq, 17 bi seiz riengz bohlunz daej daengz Sienghyangz Lungzcungh, doegsaw guhhong, louzsim saehcingz gwnzbiengz, ndaej heuhguh "bamqlunz". Doeklaeng Liuz Bei daej daengz ranzhaz de sam

baez, Cuhgoz Lieng cienzmienh faensik le gij seizheiq lajmbwn faen sam faenh seizhaenx, daezok le aen geiqmaeuz dungjyiz daengx guek ndeu, neix couh dwg 《Fapdoi Lungzcungh》 okmingz.

Lungzcungh ciuhgeq gingjsaek sengcingz gyaunde, gingjyawj yinzvwnz lai raeuh, baenz vwnzvuz funghgingj lijyouzgi gaenq miz 1700 lai bi lizsij, Cungguek moq laebbaenz gvaqdaej daegbied dwg gyawj cib bi neix daej, ndaw gingjih youh dem guh le "siengqsaek suliu boux caijsieng mizmingz cienbi Cuhgoz Lieng baijcuengq", roenconj hwnj bya caeuq ranzhaep dingjbya—Dwngzlunzgwz、Vwnzva Gun gingjih daengj gingjdenj ndaej yawj gingj youh hawj vunz youq haenx, gingjih ndaej coux vunz engq lai. Ndw gingjih byasang hophumx、gocoengz sang daemx mbwn, miz Byalungzsanh、Byalojsan、Byageizhung daengj byasang, miz ranzhaz Cuhgoz、Vujhouzswz、Dingzfaexbekgeq、Dingzgothoq、nazdajndaem、Giuzgeqsiujhungz、Aencing Roekgak、Daizngonz Ndaundeiq daengj, hawj vunz youq ndawde gamjsouh gij vwnzva lizsij gyaenanz de, gamjsouh daengz gij dungxcaiz naengzanq Cuhgoz Lieng, gawq ndaej cwxcaih yawj gingj guh'angq, youh ndaej yietnaiq soengsim, bouxhek sim'angq raixcaix.



▲ Siengqdeu Cuhgoz Lieng, youq ndaw diengz naenghdin.



▲ Dousingz geq sanghung, souj Lungzcungh ciengxlwenx.



▲ Daj neix haeuj ranzaw, hom saw sanq seiqlengq.